



Pou Piblikasyon Imedya: 30/07/2022

GOUVÈNÈ KATHY HOCHUL

## GOUVÈNÈ HOCHUL ANONSE APLIKASYON YO OUVRI POU PWOGGRAM KONPLÈ KI SIPÒTE REZIDAN LÈS BUFFALO YO

*Dezyèm faz pwogram distri komèsyal kot lès la nan Buffalo gen ladan 4 milyon dola nan finansman adisyonèl epi te elaji pwogram renovasyon biling lan*

*Aplikasyon pou pwogram fon asistans pou mèt kay yo nan lès Buffalo ki se 20 milyon dola, pwogram pou amelyorasyon kay nan Lès Buffalo ki se 10 milyon dola, pwogram asistans plis pou peman inisyal nan Lès Buffalo ki se 4.5 milyon dola ap ouvri nan 9 out*

**Fè pati investisman sible 50 milyon dola istorik Gouvènè a nan Lès Buffalo**

**Apati 3 out, rezidan yo ka rele 211 pou jwenn plis enfòmasyon sou pwogram yo**

Gouvènè Kathy Hochul te anonse jodi a ke aplikasyon yo ouvri pou pwogram konplè ki sipòte rezidan Lès Buffalo yo nan kad investisman sible 50 milyon dola istorik eta a. Gouvènè a te anonse aplikasyon yo PRAL disponib LENDI pou dezyèm faz Pwogram Distri Komèsyal Kot Lès 4 milyon dola a, ki ap kreye yon pwogram renovasyon biling elaji nan kat zòn investisman—Jefferson Avenue Commercial District, MLK Park Business District, Broadway Fillmore, ak Kensington Bailey—pou amelyore klima biznis la, konbat pòs vid komèsyal yo epi kontribye nan revitalizasyon jeneral koridò yo. Anplis de sa, Gouvènè Hochul te anonse ke aplikasyon yo pou Fon Asistans pou Mèt Kay nan Lès Buffalo ki se 20 milyon dola, Pwogram Amelyorasyon Kay nan Lès Buffalo ki se 10 milyon dola ak Pwogram Asistans Plis pou Peman Inisyal nan Lès Buffalo ki se 4.5 milyon dola pral ouvri nan jedi 9 out. Apati mèkredi 3 out, rezidan yo ka rele 211 pou jwenn plis enfòmasyon sou pwogram lojman nou an ak sibvansyon pou ti biznis yo epi fason pou yo aplike.

"Kòm manm kominote Lès Buffalo yo kontinye geri apre trajedi terib sa a, nou rete angaje pou nou leve defi sistemik yo pou ede rekipere ak rekonstwi pi djamn", **Gouvènè Kathy Hochul te deklare.** "Nan Jou Lespwa ak Gerizon sa a, mwen fyè pou m anonse resous vital sa yo disponib pou rezidan Lès Buffalo yo an kolaborasyon avèk Vil la, Konte a, manm kominote a ak lòt patnè yo".

**Prezidan, Direktè Egzekitif Jeneral ak Komisè Empire State Development Ian, Hope Knight, te deklare**, "Avèk lansman aplikasyon pou dezyèm faz Pwogram Distri Komèsyal Kot Lès la, nou pral kòmanse wè envestisman kapital yo ki pral transfòme distri komèsyal sa yo, devlope ak amelyore biznis yo epi ogmante opòtinite pou itilizasyon miks yo ki pi byen sèvi ak revitalize katye Buffalo yo".

### **Pwogram Distri Komèsyal Kot Lès la**

Aplikasyon pou Pwogram Distri Komèsyal Kot Lès la dwe fèt jiska vandredi 16 septanm epi ap disponib nan lendi 1 out sou sitwèb la pou chak Administratè Pwogram Lokal (Local Program Administrator, LPA): Broadway Fillmore Neighborhood Housing Services, Citizens' Alliance, Inc. an patenarya avèk Chanm Komès Nwa (Black Chamber of Commerce) ak Asosyasyon Devlopman Kominotè Distri Invèsitè (University District Community Development Association, UDCDA). Yon seyans enfòmasyon publik, pou bay detay sou pwogram nan ak pwosesis aplikasyon pou dezyèm faz la, pwograme pou madi 9 out nan 5:30 p.m. nan PS 309 East Community High School, ki sitiye nan 820 Northampton Street nan Buffalo. Pral genyen yon opsyon vityèl tou. Si ou gen entansyon patisipe an pèsòn oswa vityèlman, konfime prezans (RSVP) ou isit la.

Jwenn kat distri ki elijib yo isit la. Aplikan ki enterese yo ta dwe kontakte LPA yo pou plis enfòmasyon.

### **Pwogram Fon Asistans pou Mèt Kay nan Buffalo (BEHAF) ki se 20 milyon dola**

Gouvènè a te anonse Pwogram Fon Asistans pou Mèt Kay nan Buffalo (BEHAF) ki se 20 milyon dola pou ede mèt kay yo ki gen reta nan dlo, taks, frè egou ak frè itilizasyon yo, ki pral pase atravè Western New York Law Center (WNYC).

### **Pwogram Amelyorasyon Kay nan Lès Buffalo (BEHIP) ki se 10 milyon dola**

Gouvènè Hochul te etabli tou Pwogram Amelyorasyon Kay nan Lès Buffalo (BEHIP) pou ede mèt kay yo avèk reparasyon ijans nan kay ki gen ladan vyolasyon kòd ak gwo reparasyon sistèm. Se senk òganizasyon ki pa gen bi likratif ki pral administre yo: PUSH Buffalo, Broadway-Fillmore, NeighborWorks Community Partners, Heart of the City ak Community Action Organization of Buffalo.

### **Pwogram Asistans Plis pou Peman Inisyal nan Lès Buffalo ki se 4.5 milyon dola (DPAL+)**

Pou ede rezidan yo achte yon kay nan bay Asistans pou Peman Inisyal, Gouvènè Hochul te anonse anplis kreyasyon Pwogram Asistan Plis pou Peman Inisyal nan Lès Buffalo (DPAL+). Yo pral ofri pwogram nan atravè twa pretè ki patisipe nan SONYMA: Premium Mortgage, M&T Bank, ak First Priority Mortgage.

### **Ouvèti Sant Developman Karyè Goodskills san randevou Goodwill la**

Nan mwa jen, Gouvènè Hochul te anonse ke Eta a ap envesti 1.5 milyon dola pou kreye patenarya avèk Goodwill pou elají Pwogram Developman Karyè 'Goodskills' pou Lès Buffalo. Pwogram sa a baze sou pwogram pilòt Goodskills ki te lanse an 2021 epi

Li pral ekipe moun ki soti nan kominote Lè Buffalo avèk konpetans anplwayè yo ap chèche pou ranpli travay ki pi byen peye, ki gen demann nan fabrikasyon, teknoloji, swen sante epi lavant ak sèvis yo.

Lendi 1 out, Goodwill pral ouvri yon sant Devlopman Karyè Goodskills san randevou nan biwo Group Ministries nan 1333 Jefferson Avenue. Pwogram nan konsantre sou ekipe moun ki soti nan Lès Buffalo avèk konpetans anplwayè yo ap chèche pou okipe pòs travay ki pi byen peye, ki gen demann nan fabrikasyon, teknoloji, swen sante epi lavant ak sèvis yo. Sant san randevou a pral pèmèt rezidan lokal yo rasanble enfòmasyon epi enskri pou pwogram nan la.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)